

La pronunzia dal rumantsch grischun

La **pronunzia** da las letras è en rumantsch grischun, cun paucas excepziuns, la medema sco quella dals idioms. L'inventari da las cumbinaziuns graficas variescha dentant per part. En la descripciun vegn la letra u la cumbinaziun da letras mintgamai inditgada en parantesas da cugn, p.ex. <i>; ils suns en parantesas quadras, damai [i].

1 La pronunzia dals vocals:

<i>	[i]	curt: <i>gist, scrit, vita, figl</i>
	[i:]	lung: <i>liber, ir, ris, gida</i>
<e>	[ɛ]	curt: <i>chapè, uschè, betg,</i>
	[e:]	lung: <i>manzegna, egl, leger, debel</i>
	[ɛ̃]	curt: <i>bel, svelt, detta, vender</i>
	[ɛ:]	lung: <i>bler, grev, peda, balena, chalger</i>
<a>	[ə]	nunaccentuà: <i>giuven, flaivel, rumper</i>
	[a]	curt: <i>mat, uffant, bass</i>
	[a:]	lung: <i>nas, mal, pavel, star, gentar</i>
	[ə̃]	nunaccentuà: <i>chantun, svanir, (els) gidan</i>
<o>	[ɑ]	nunaccentuà: <i>porta, verda, quella, gida</i>
	[o]	curt: <i>porta, clom, botta, nossa</i>
	[o:]	lung: <i>rosa, moda, scola, sora, nova</i>
<u>	[ɔ]	curt: <i>um, dunna, tut, culm, cuppa</i>
	[ɔ:]	lung: <i>mugia, dubel, cudesch, schuber</i>
	[u]	curt: <i>tun, patrun, nuf, lung</i>
	[u:]	lung: <i>ura, spusa, scua, dubi</i>

Il grad d'avertura dals vocals (ɛ - ɛ̃ resp. ɔ - o) variescha tenor regiun, medemamain lur durada (curt - lung). Per bunamain tut il territori rumantsch e cun quai er en rumantsch grischun valan dentant las sequentas duas reglas per la durada:

Ils vocals accentuads èn lungs en silbas che fineschan cun in vocal (silbas avertas) avant ils consonants sonors. Els èn curts avant ils consonants surds (§ 303).

lung:	<i>tuba</i>	<i>noda</i>	<i>legia</i>	<i>sega</i>	<i>rava</i>	<i>mesa</i>	<i>rascha</i>
curt:	<i>tuppa</i>	<i>nota</i>	<i>litga</i>	<i>setga</i>	<i>raffa</i>	<i>messa</i>	<i>grascha</i>

Els èn plinavant lungs avant <r>, er en silba finala:

lung:	<i>era</i>	<i>ara</i>	<i>ura;</i>	<i>tir</i>	<i>pèr</i>	<i>mar</i>	<i>cor</i>	<i>pur</i>
-------	------------	------------	-------------	------------	------------	------------	------------	------------

2 Ils vocals pon furmar gruppas. **Gruppas da dus vocals** che furman ensemen mo ina silba, numn'ins **diftongs**; gruppas da trais vocals che furman ensemen mo ina silba èn **triftongs** (§ 301). En rumantsch grischun pon las sequentas gruppas da vocals valair sco diftongs u triftongs:

<ai>	[á]	<i>maisa, aissa, bain, staila, saira</i>
<au>	[áv]	<i>bau, aur, auto, precaut</i>
<ie>	[íə]	<i>tschient, ambient, pievel, dies</i>
<ieu>	[iéu]	<i>fieu, bulieu, mieur, avieul</i>

Tar las autras gruppas da vocals n'è la pronunzia betg fixa. Ellas pon vegnir pronunziadas sco ina suletta silba, ma er cun dus vocals cumplains en auters cas, p.ex.

<ua>	[vá]	<i>adequat, guaffen, quant, quant, sguard</i>
	[vá:]	<i>quader, qual, quasi, squadra, squama</i>
	[uá]	<i>cuntinuà, muaglia, situà, tuaglia, tuargia</i>
	[uá:]	<i>actual, actuar, duana, evaluar, scuar</i>

[ú:ɑ] *cua, nua, scua, uzua, duamilli*
 [vɑ] (nunaccentuà) *qualitad, quartal, suandant, suatientscha, truament; lingua, statua*

Perquai na vegn la pronunzia da quellus gruppas betg inditgada spezialmain. Ella duess sa resultar da lur cumponentas, sco en ils linguatgs regionalis.

3 Er tar ils consonants pon differentas letras u cumbinaziuns da letras vegnir pronunziadas en differenta moda e maniera. La **pronunzia** da quels **consonants** è inditgada en questa glista en urden alfabetic:

- <c> [k] usualmain: *café, clav, cumpogn, farcla, eroic*
 [ts] avant e, i: *center, civil, december, decider*
 70. Ina giaglina *enciclopedica* aveva emprendì ordador pli che milli plets. (1992:63)
- <ch> [k] avant e, i: *che, cur ch'ella, pichel, chemia, chicherichi*
 [ç] avant a, o a l'entschatta dal pled: *chattar, chaval, chomma*
 Questa pronunzia vala era per il <-ch-> ch'è da chattar en plets cumponids, p.ex. *chargiar* -> *surchargiar*.
 74. Ina giaglina tegneva in toc *chaschiel* en il *pichel*. (1992:66)
 (Normalmain vegn il sun [ç] represchentà da la cumbinaziun da letras <tg>, cf. sut.)
- [χ] sco tudestg *ach!* en plets internaziunals: *architectura, archiv, archeologia*
 58. Ina giaglina *archeologa* è ida a visitar las piramidas. (1992:54)
- <g> [g] usualmain: *garantir, golf, gudagnar, grond, glatsch, negozi*
 [ǰ] avant e, i: *generus, gist, agen, agid*
- <gh> [g] *ghetto, ghitarra, magher, droghist*
- <gi> [ǰ] avant a, o, u: *giada, giaglina, gioga, giuvas, ravgia, dumengia*
- <gl> [gl] avant a, o, u, e: *glatsch, glogn, gluva, glera, ungl, manglus*
 [ʎ] avant i ed a la fin d'in pled: *glina, giaglina, figl, tagl, vegl*
 avant consonant en il pled *meglra*
- <gli> [ʎ] avant a, o, u, e: *scumbigliar, egliada, survegliond, vegliurd, gliend*
- <gn> [ñ] usualmain: *gnanc, vagnir, bogn*
 [gn] en plets esters: *gnais, gnom, magnet, prognosa*
- <gu> [gu] avant consonant: *gust, gugent, singul, magun*
 [gv] avant vocal: *gnaud, guerra, linguatg, sguard*
- <h-> [h] usualmain: *halla, hangar, helicopter, helvetic, hit, hobi, hockey, humus; hü!, he!, hop!; vehichel, schah*
 na vegn betg pronunzià a l'entschatta dal pled en: *hotel, jau hai, ti has, el/ella ha, els/ellas han*
- In bun dumber da plets na vegn betg pli scrit cun <h>, p.ex. *avoir* (S: *haver*), *l'abitaziun* (S: *habitaziun*), *l'eroc* (S: *heroc*), *l'istorgia* (S: *historia*), *l'onur* (S: *honur*), *l'ortulan* (S: *hortulan*); *l'ami* (Eo: *amih*), *il chasti* (Eo: *chastih*) euv.
- <qu> [kv] mo avant vocal, uschiglio <cu>: *quai, quel, quint, acquist, antiquà*

<s>	[s]	usualmain, sch'i na suonda betg in consonant u sche <s> n'è betg en posiziun intervocalica: <i>sal, nas, persuna, nursa</i>
	[z]	regularmain tranter vocals, savens er tranter <i>n, l, r</i> ed in vocal: <i>chasa, mesira, ansiel, mensil, balsam, expulsium, anniversari, versiun</i>
	[š]	avant consonants surds (<i>p, t, k, ć, f</i>); a l'entschatta dal pled er avant <i>m, n, r</i> : <i>respunder, staila, scola, stgala, sfundrar; smanar, snegar, sromar</i>
	[ž]	avant ils consonants sonors (<i>b, d, g, ğ, v</i>): <i>sbagliar, rasdiv, sgular, sgialv, svegliar</i>
<ss>	[s]	adina: <i>passar, chaussa, pass, gross</i>
<sch>	[š]	en tut las posiziuns: <i>sche, schlatta, laschar, pesch</i>
	[ž]	a l'entschatta dal pled e tranter vocals: <i>schanugl, schember, plashair, grischun</i>
<tg>	[ć]	adina: <i>tgi?, tge?, tgunsch, setga, vatga, notg, mintga, rintg, pitgar</i>
<tsch>	[tš]	adina: <i>tscharescha, tschient, retscha, bratsch</i>
<stg>	[šč]	adina: <i>stgala, stgaffa, stgargiar, stgatschar, mustga, ristgar</i> 49. <i>Ina giaglina sco tut tschellas ha ristgà dad ir fin sin il stradun per tschertgar da magliar. (1992:46)</i>
<z>	[ts]	adina: <i>zavrar, engraziar, staziun, zutger</i>

Las letras <p>, <t>, <f>; <m>, <n>, <l>, <r> n'han naginas spezialitads da pronunzia. Tar ina pronunzia speziala da , <d>, <g> <v> vesair § 6.

4 Tut ils **consonants finals** vegnan pronunziads en rumantsch grischun, damai er:

<-r>	[r]	adina a la fin dal pled: <i>tschentar, morder, pudair, partir, frar, tschaler, ordador</i>
<-nd>, <-nt>	[nt]	il -d ed il -t final suenter <i>n</i> vegnan adina pronunziads en rumantsch grischun: <i>grond, sgrasond, mund, fund; dent, davent, sentiment</i>

Ils consonants sonors vegnan pronunziads sco consonants surds a la fin dal pled, er avant l'-s dal plural: <-b, -d, -g, -v> > [-p, -t, -k, -f]: *bab* [ba:p], *salid* [salit], *fig* [fic], *lev* [le:f]. La scripziun cun in consonant sonor sa basa sin la famiglia da plects: *bab* - *babuns*; *salid* - *salidar*; *fig* - *figher*; *lev* - *leva*. Quai vala er per ils cas, nua che la scripziun dal consonant surd è la medema sco quella dal consonant sonor: <*nas*> - <*nasal*> [na:s] - [nəza:l]; <*crusch*> - <*cruschar*> [kru:š] - [kruža:r]; <*lartg*> - <*largia*> [larć] - [largà].

[Extratg da la *Grammatica per l'instrucziun dal rumantsch grischun*, Friburg 2009, p.16-18, cf. pagina **Publicaziuns**. Per dapli detagls l.c. p.116-122.]